

Վ Ա Ճ Ա Ռ Ա Կ Ա Ն

Թիֆլիսի առևտրական գազեր:

ՇԱԲԱԹԱԿԱՆ ԹԵՐԹ

(Ա.Ռ.Ա.ՋԻՆ ՏԱՐԻ)

Հրատարակում է շաբաթը մէկ անգամ կէս թերթ, կիրակի օրերով: 10 տալայ գինը Մարտից մինչև Յունիսը՝ 2 ման: 50 կոպ., դուրսը՝ 3 ման: 1 թ:

Գաղեթին ստորագրվիլ կարելի է խմբադրողի մօտ: Գաղեթումը հրատարակելու կընդունվին մասնաւոր յայտարարութիւններ: Գների մասին կարելի է խմանայ խմբադրատանը:

ԲՈՎԱՆԴԱԿՈՒԹԻՒՆ:

Տէրութենի կարգադրութիւնները: Պարգեւներ: Կովկասից ուղարկված արհեստ սովորողները Մոսկովումը: 1866 թւի ապրիլի 10 ուստաստանի լուսաւորչական հասկերի եկեղեցական դործերի կառավարութենի կարգադրութիւնից: Իվան Սէրգէիչի վրայ երկու կնոյց ուղեւը: Զանազան անդեկութիւններ: առևտրական տեղեկութիւններ:

ՏԵՐՈՒԹԵՆԻ ԿԱՐԳԱԴՐՈՒԹԻՒՆՆԵՐԸ:

ՊԱՐԳԵՆՆԵՐ:

Էս տարի մարտի 27-ին ուրիշների հետ և հետեւալ հայերն արժանացան պարգևներին:

Ձինուորական Ինժիներ—Պօլկովնիկ Իշխան Թարխան ԽՈՋԱՄԻՆԱՍՏԱՆՅԱՆՅԱՆ 2-դ աստիճանի Աննա Կայսերական թագով զարդարած:

Կովկասեան Օկրուգի զինուորական-ըլ-ժշկական կառավարութեանումը զանված 5 կարգի բժիշկ, Նադլընի Սովետնիկ ԲՈՏԻՆԵԱՆՅԱՆ 2-դ աստիճանի Ստանիսլավա:

Մի և նոյն պարգևիցը ստացաւ Գեորգիա-նի Շտարի կապիտան ՔԻՇՄԻՇԵԱՆՅԱՆ:

Թ Ի Ֆ Լ Ի Ս

յունիսի 18-1866.

Սրանից առաջ Կովկասի երկաթէ ճանապարհի վրայ խօսելիս «Վաճառականի» 3 Նոյեմբ, պատճառ ունեցանք ասել մէկ երկու խօսք Թիֆլիսումը և առհասարակ Կովկասի կողմերումը արհեստաւորների համար ուսումնարաններ չլինելու մասին:

Ինչպիսիք հարկաւոր խնդիր է, դործը շատ ազնիւ, բայց ինչ անես, որ մեղանում առհասարակ էղալիս դործին մեր ժողովուրդը

մտիկ է տալիս էնպիսի արհամարհանքով, որ մինչև անգամ էդ բանի վրայ խօսելը արժան է համարում: Ինչպէս կարելի է, ասում են փափուկ ու քնքոյշ զաւակներ մեծացնող ծնողները, ինչպէս կարելի է, որ որդիս կեղտոտ, կոպիտ ու ցած արհեստով պարտի. էդ բանի համար կան հասարակ մարդիկ, ստորին ժողովուրդ, որոնց համար էլ հնարած են բոլոր կոպիտ արհեստները:

Բայց մենք կարծում ենք, որ ոչ մէկ արհեստ, ինչքան էլ կուղէ կոպիտ լինի, մարդուն չի ցածացնի, եթէ միայն օրինաւոր և ազնիւ ճանապարհներով փող աշխատելու միջոց է դա: Անօրէն և կեղտոտ փող աշխատելու միջոցները՝ խարդախութիւնն է, խաբէբայութիւնը և այլն և այլն:

Մեր արհեստների կոպտութիւնն է, որ մեզ ստիպում է խօսել մեր երկրի արհեստների և արհեստաւորների վրայ: Մեր խօսելու նպատակն էն է, որ արհեստների համար գործածած կոպիտ դործիքները էնպէս նրբանան և ազնւանան ուսումնարանների միջնորդութեամբ, ինչպէս միւս երկիրներումն է: Քանի աւելի կատարելագործված մեքենաներ են դործածվում արհեստների համար, էնքան մարդը քիչ է չարչարվում, աշխատում. և մեծ դործը կատարել է տալիս մեքենաներին:

Հիմի էս խօսքերի ասելու պատճառ ունեցանք Ռուսերէն գաղեթներումը տպած համբաւ: Գրած էր էս վերջին նումերներումը, որ Կովկասումը արհեստների դիտութիւնների տարածելու համար 1864 թւին Թիֆլիսիցը 10 երեխայ ուղարկվեցաւ Մոսկով ղանաղան արհեստներ սովորելու նպատակով: Էնպէս, որ դրանք սովորելուց յետոյ պէտք է յետ դառնան Թիֆլիս և պարապին իրանց սովորած արհեստով: Էդ երեխաներին իրա խնամակալութենի տակն է ընդունել Մոսկովումը Յ. Ս. Անանիանցը: Աշխատել է

լաւ արհեստաւորների մօտ պահ տալ նրանց և նրանց հագուստի համար հողս քաշելն էլ ինքն է վիզն առել: Էն 10 երեխաներից երկուսին ոսկերիչի մօտ են տվել աշակերտ, երկուսին իւվելիրի (ակնագործի) մօտ, երկուսին ներկարարի մօտ, երկուսին կանդիտերի (քաղցրավաճառի) մօտ և մէկին դերձակի մօտ, մէկին էլ յետ են ուղարկել իր հայրենիքը՝ որովհետեւ ընդունակ է էլէլ սովորելու: Վերջինիս արհեստաւորները Մոսկովումը առաջիններն են և դրանք հետեւում են իրանց աշակերտների յառաջագիմութենին: Երեխաները առողջ են և կլիմայի փոփոխութիւնը վնաս չտվեց նրանց առողջութեան: Կիրակի օրերով էդ երեխաները ժողովում են Մոսկովի հայոց եկեղեցու պարսպումը շինած ուսումնարանումը, որտեղ ամեն հարկաւոր բաները պատրաստած է նրանց համար և կիրակի օրերով սովորցնում են էդտեղ՝ կրօն, ուսուց և հայոց լեզու և թաքանութիւն: Կրօնի դաս տվողը առաջ քահանայ Յարութիւն Գոկչանեան է, իսկ միւս աւարկաները և լեզուները սովորցնում են Մոսկովի համալսարանի ուսանողները՝ Պ. Ղամբարեանցը, Մ. Քանանեանցը և Գ. Քուչերեանցը: Բոլորն էլ ձրի են դաս տալիս:

Ուրեմն ինչպէս տեսնում ենք էդ երեխաները արհեստներ սովորելու հետ դրել կարգալ էլ են սովորում և ի հարկէ էտեղ յետ եկած ժամանակը ամենքն իրանց սովորած արհեստով պարապելով, իրանք էլ կշահվին և իրանց մօտ պահած աշակերտներին էլ կշահեն՝ իրանց դիտեցածը սովորցնելով:

1836 թւի ԱՊՐԷԼԻ 10 ՌՈՒՍԱՍՏԱՆԻ ԼՈՒՍԱՆՈՐԶԱԳԱՒԱՆ ՀԱՅՏԵՐԻ ԵԿԵԳԵՅԱԿԱՆ ԳՈՐԾԵՐԻ ԿԱՌԱՎԱՐՈՒԹԵՆԻ ԿԱՆՈՆԱԳՐՈՒԹԵՆԻՅ:

Հիմի, երբ որ բոլոր հայերի ուշքը դարձրած է նոր կաթողիկոս ընտրելու վրայ,

հարկաւոր ենք համարում հաղորդել մեր ընթերցողներին բարձրագոյն հաստատում 1836 թվ. ապրիլի 10 Ռուսաստանի լուսաւորչադաւան հայերի եկեղեցական գործերի կառավարութեան կանոնադրութեանից էն յօդուածները, որ վերաբերում են Եջմիածնի ծայրագոյն պատրիարքին և որոնց հաստատ հիման վրայ ընտրվել են մինչև հիմի և ընտրվելու են մեր կաթողիկոսները: Ահա՝

§ 10. Լուսաւորչադաւան հայերի եկեղեցու գլխաւոր կառավարութիւնը, նրա եկեղեցականներին և եկեղեցու կարգերի և ծեսերի ճիշդ կատարելու բարձրագոյն վերատեսչութիւնը պատկանում է Եջմիածնի պատրիարքին, իբրև Հայոց ազգի ծայրագոյն կաթողիկոսին: Կաթողիկոսին ամեն գործերումը օգնում է Եջմիածնի հայոց սինոդը, բայց չի կարող նա իր իրաւունքները յանձնել ոչ սինոդին և ոչ ում և իցէ:

§ 11. Եջմիածնի ծայրագոյն պատրիարքին ընտրում են բոլոր լուսաւորչադաւան հայերը էս բանի համար սահմանած կարգով:

§ 12. Պատրիարք-կաթողիկոսի տեղի պարագ մնալու ժամանակը Եջմիածնի սինոդը ծանուցագրեր է ուղարկում ինչպէս Ռուսաստանի մէջն էլած, նմանապէս և սահմանից դուրսն էլած լուսաւորչադաւան հայերի թեմերին և կաթողիկոս ընտրելու համար մէկ տարի ժամանակ է նշանակում:

§ 13. Ամեն մէկ թեմը կաթողիկոս ընտրելու համար երկու երեսփոխ է նշանակում՝ մէկը եկեղեցական և մէկը աշխարհական: Եկեղեցական երեսփոխ պէտք է լինի ինքը թեմակալ առաջնորդը, կամ նա ունի որ կը նշանակէ նա եկեղեցականներից: Աշխարհական երեսփոխին ընտրում են բոլոր մեկըները, իւրաքանչեւ և աշխարհական պատուար մարդիկը, որոնք որ կարող են հայոց եկեղեցու վաղուցվան սովորութենով իրաւունք ունենալ:

§ 14. Եւ երեսփոխները եթէ կաթողիկոսին ընտրելու համար նշանակած ժամանակին չը կարողանան գնալ Եջմիածին, իրաւունք ունին իրանց կարծիքները թղթով յայտնելու Եջմիածին:

§ 15. Բաց ի երեսփոխներից կաթողիկոս ընտրելիս մասնակից են լինում Եջմիածնի սինոդի անդամները և Եջմիածնումը գտնված եպիսկոպոսներից եօթը մեծերը: Եթէ էդքան եպիսկոպոս չլինի էն ժամանակը Եջմիածին, էն ժամանակը պակասը էնտեղի վարդապետներով է լրացնվում:

§ 16. Ընտրութիւնը լինում է Եջմիածնի տաճարումը՝ իսկապէս հետեւելով Հայոց եկե-

ղեցու սահմանած ծէսերին:

§ 17. Երբ որ Եջմիածնումը գտնված երեսփոխները և Եջմիածին ուղարկած զրաւոր ծանուցումներից ժողովվում է ձէները, չորս կանդիդատ են նշանակվում շատ ձէն ունեցողներից: Եթէ ձէները հաւասար լինին բաժանած վիճակով վճռվում է թէ ովքեր պէտք լինին աւագագոյնները: Եւ չորս մարդուց ներկայ գտնվողները պէտք է երկու կանդիդատ ընտրեն կաթողիկոսութեան համար:

§ 18. Էս ընտրութիւնն անելուց յետոյ, ժողովը իրանից երեք անգամ է ուղարկում Կոնկասի փոխարքայի մօտ, որն որ երկու ընտրած կանդիդատներին ներկայացնում է աւագաւոր կայսերը Ներքին Գործերի մինիստրի միջնորդութեամբ:

§ 19. Թագաւոր Կայսրը նշանակելով Եջմիածնի ծայրագոյն պատրիարքին, ամենաողորմածաւար տալիս է նրան բարձրագոյն հրաւարտակ էդ աստիճանի համար և հրամանում է Ռուսաստանի աթոռին հաւասարմութենի երդումը կատարելուցը յետոյ, Հայոց եկեղեցու վաղուցվայ կանոններով օծվի կաթողիկոս:

§ 20. Եջմիածնի պատրիարքը վաղուցվայ հայոց ծայրագոյն պատրիարք-կաթողիկոսների տիարդոսն է կրում:

§ 21. Հայոց եկեղեցումը պատրիարք-կաթողիկոսի անունը յիշվում է Ռուսաստանի Կայսր և նրա Օգոստափառ տան յետոյ:

§ 22. Վաղուցվայ սովորութենով պատրիարքը կաթողիկոսարանից կամ Եջմիածնի պարսպից դուրս գալիս կարող է իր հետ վերառնել Եջմիածնի մէջ գտնված հայերից պատուար պահապաններ, մէկ քանի հոգեորական անդամներ և երկու կարգաւորներ, որոնցից մէկը պէտք է տանէ կաթողիկոսական գաւաղանը, իսկ միւսը խաչվառ:

§ 23. Հայոց եկեղեցու վաղուցվայ օրէնքով միայն Եջմիածնի պատրիարքը, հայոց ազգի ծայրագոյն կաթողիկոս լինելով, իրաւունք ունի սուրբ մեռնի երկու և օրհնելու հայոց բոլոր եկեղեցիներու համար:

Ծանօթութիւն: Սուրբ մեռնը պատրիարքը բաժանում է իր հոգեւորականների ձեռով ձրի:

§ 24. Եջմիածնի պատրիարքը, հայոց ազգի գլխաւոր հոգևոր հովիւ լինելով, ձեռնադրում է հայոց եկեղեցու եպիսկոպոսներ, ուշք դարձնելով որ վաղուցվայ օրէնքների համեմատ, անվիճակ եպիսկոպոսների թիւը չաւելացնի, առանց մէկ յայտնի հարկաւորութեան:

§ 25. Հայոց եկեղեցու վաղուցվայ կանոնները ձեռնարկութիւն ունենալով և առաջ

առաջ Եջմիածնի սինոդի կարծիքը լսելով պատրիարքը կտրական վճիռ է տալիս լուր եկեղեցական գործերին, որոնք վերաբերվում են կրօնի վարդապետութեան, Աստուածապաշտութեան կատարելուն և այլն:

§ 26. Եջմիածնի ծայրագոյն պատրիարքը իրաւունք ունի հայոց եկեղեցու կանոնների համեմատ բարեպաշտ և օգտակար եկեղեցական անդամներին պարգևել լանջական խաչեր, արախչիներ և կամիւրակներ:

§ 27. Եջմիածնի Պատրիարքը, հայոց ազգի ընդհանուր հովիւ գրով, չն որ հաւի կոչված Ներսէս հայրապետի օրինակին հետեւելով, ժամանակ ժամանակ ուղարկում է իր հովական օրհնութիւնները լուսաւորչադաւան ամեն երկրի հայերին, յորդորելով նրանց խաղող և բարի կեանք վարել և օրինաւոր իշխանութիւններին հնազանդվիլ սուրբ աւետարանի կանոնների համեմատ:

§ 28. Ռուսաստանի կայսրների իրանց հաւաքանքների գահը նստելիս Եջմիածնի պատրիարքը ուղարկում է հայոց եկեղեցու անդամներից մէկ պատուաւոր անձն՝ Թագաւոր կայսրը ամենահպատակօրէն չորհաւորելով՝ խնդրելով նրանից ամենաողորմած բարեհաճութիւն թագադրութեան ներկայ գտնվելու իրան, թէ ինքը կարող է, եթէ չէ իր երեսփոխին:

§ 29. Հայոց եկեղեցու կանոնների համաձայն կաթողիկոսը իր բնակութիւնը ունի Եջմիածնի վանքումը: Երբ որ նա հարկաւոր է համարում էդ վանքիցը չորս ամսից աւելի ժամանակով հեռանալ, պէտք է Կոնկասի փոխարքայի և Ներքին Գործերի մինիստրի միջնորդութեամբ Թագաւոր Կայսրը բարեհաճութիւն խնդրէ:

§ 30. Եջմիածնի պատրիարքը իրաւունք ունի ինչպէս հայոց սինոդի անդամներին, նմանապէս և վիճակաւոր առջնորդներին և առհասարակ լուսաւորչադաւան բոլոր եպիսկոպոսներին չորս ամսով արձակումը տալ: Բայց նրանց չորս ամսից երկար արձակելու համար և սահմանից դուրս գնալու համար կաթողիկոսը բարձրագոյն բարեհաճութիւն է խնդրում: Սինոդի անդամներից երկուսից աւելի չեն կարող արձակվիլ մի և նոյն ժամանակը:

§ 31. Կաթողիկոսը, իբրև Եջմիածնի վանքի գլխաւոր, կարգադրում է էդ վանքի գործերը ինչպէս ինքը հասկանում է, եկեղեցական կանոնների իսկ և իսկ հիման վրայ:

§ 32. Կաթողիկոսի մահից յետոյ Եջմիածնի սինոդը շուտով կարգադրութիւն է անում նրանից յետոյ մնացած թղթերի և

նը, թէ գողը ու չոր դա չվիզորիթ, միւսին էլ իրանց փեսայի մօտ համոզելու և խորտակելու:

— Վուրթի, ասաց նրա զորանչի մեծ քոյր Սոփիօն, մտնելով նրա սենեակը, ասար Պետրոսինց անչկան վուր ուղումիս ինչ խիլք է չէնի ճիւղմէ: Ուղէ, ծվ է ասում, ամա էլ ինչ միւր բարեկամին իս ուղում ու էն էլ էնթանար մէյման օւթին: Քու քեփն է, ամա լաւ չիս անում: Չիմ զիլի ինչ կոնիս փեսայ ջան, կիսիլը: Վուրթիկերանցիտ համա, փառք Ասծու, պահող ունիս, դուն էլ մէ զլուխ իս, ինչ կոնիս կիսիլը:

— Չէ, լաւ անչիլ ին ասում Նինոյի համա, չիս զիլի է, փուղ էլ չատ ունէ, կօնէ:

— Շատ փուղ էլ ունէ ու չատ ցաւ էլ ունէ: Գիղիմ: Ամա թէ քու էն պետլած Նատայի հըրին կու սիրիս, էտ բանը մի անի: Վիկալ ջէր առաջ դանակը միւր զիսիւնի բողաղը դու կարէ ու իժուս Պետրոսինց փեսայ դառի: Քա Պետրոսինց անչկան առչիւս հարս պիտիմ կանգնեցնի, վն, էն օրը մահ ըլի ինձ համա:

— Բան ինչ անիմ արա, փուղ չունիմ անիլի, մէ զրոջ չունիմ ջիւլում:

— Փուղ ինչդիւմի էլ գողիս կու ճարիմ քիլ համա, փեսայ ջան: Ամա խօսի իս տալի ինձ, վուր էլ նրան չուղիս:

Ձեռը ձեռի տվին սրանք: Բանը վերջացաւ: Երկուսն էլ ուրախ էին փեսան էնդուր, որ փող կճարէ և Սոփիօն, որ իրանց փեսան կիսիլ չի ուղի էս տարի էլ:

Գնաց Սոփիօն ուրախ ուրախ պատմեց միւս սենեակումը հալաքված բարեկամներին ու Ղազօին փեսայի ասած խօսքերը: Համոզեց Ղազօին իր փեսային 200 թուման տալու նրա 250 թումանից, թէ չէ բանը չատ վատ է: Բանը զլուխ եկաւ:

Միւս օրը առաւօտեան փողերը ծոյցումը դարտած իվան Սերգէիլը իր օրդերանց հետ խաղաղով չայ էր խմում իր աներանց տանը: Սահաթի 10-ին լծել ավեց տարանտառը և դէպի թ:

— Էտէնց թափ կոպտամ ձիւ անց, ասում էր ճանապարհին իվան Սերգէիլը: Բան ինչ է, մօղ ին արի ու վրէն էլ դայիմ նստիլ ին: Աբա հիմի մաիկ արէք ինձ, թէ ինչ իմ անում: Մէճկու զախմացաւ: Բան թէ չիմ յիլ տանի իմ փուղին ու կու տանիք: Անպատճառ...

ՁԱՆԱԶԱՆ ՏԵՂԵԿՈՒԹԻՒՆՆԵՐ:

Բեսարաբիայի առևտրական դատարանի (կոմերչեսկի սուդի)

տրամ կարգադրութիւնը: 1865 թվի սեպտեմբերի 15-ին Բեսարաբիայի առևտրական դատարանը, տեսնելով որ շատ մարդ ռուսերէն զիր չգիտենալու պատճառով չէ կարողանում իր ուղիղ գործերը էնպէս հասկացնել դատարանին, որ էդ դատարանը իմանայ նրա ճշմարտութիւնը և օրովհետեւ էդ մարդիքը իրանց խղճութենի պատճառով կարողութիւն չունեն ստրեատչու բերանով խօսել էդ դատարանումը, վասն որոյ նրանցը շատ անգամ շատ ճշմարիտ գործերուն էլ, լաւ չբացատրելու պատճառով դատարանը ստիպված է ստել: Հիմի էս դատարանի մէջ 16 ստրեայի կայ, որոնք կանոնով իրանց կատարած գործերի համար գանդատվողներից վարձ են ստանում: Բայց արևարական դատարանը, գիտենալով որ 16 մարդու համար դժուար չի լինի հերթով էդպէս խեղճերի և անդրադէտների գործերի յանձն առնելը և դատարանումը նրանց փոխանակ խօսիլը, էս պատճառով առաջարկում է էդ 16 ստրեայչուն, որ դրանք հերթով յանձն առնեն էդպիսի խեղճերի և անդրադէտների գործերի համար ման դալը դատարանումը առանց որ և իցէ վարձատրութիւն պահանջելու իրանց աշխատանքի համար:

Խ լերայի մասին: Նոր տեղեկութիւն է ստացած, որ էս վերջին ժամանակներումը խօլերան երեկ է Ձիդդա անունով քաղաքումը, որ գտնվում է Արարիայումը Կարմիր ծովի մօտ: Էդտեղ սաստիկ կոտորում է խօլերան մանաւանդ Մեքքայից յետ դառած ուխտաւորներին: Շատ են կոտորվում նմանապէս խօլերայից Բաքորի և Մեքքայի մէջ գտնված Եգիպտոսի ղօրքի ղիմուորները:

Յրանախայումը նմանապէս երեկ է խօլերան Նանա քաղաքումը և շատ մարդիկ կոտորեց: Ասում են թէ կարելի է որ չուտով խօլերան Պարիս էլ երեկ:

Դատաստանական: Պետերբուրգի սենատումը յունիսի 2-ին քննելու համար նշանակած գործերիցը էս հետեւալները վերաբերվում են Կովկասին՝

Մեծակոյ դեպարտամենտումը 1.) Բուրթանի բնակիչ Յակոբեանցի թիֆլիսի բնակիչ Մեցուգովի հետ գործը դրաւ դրած կալուածքի մասին և 2.) Շուշու բնակիչ Բունիաթեանցի էնտեղացի բնակիչ Հաջի-Ջաբար-Թասուլ Օղլու հետ ունեցած գործը փողի մասին:

ԱՌԵԻՏՐԱԿԱՆ ՏԵՂԵԿՈՒԹԻՒՆՆԵՐ:

Նիւեօրը մայիսի 23:

Ձրերի մեծանալու պատճառով բամբակի ցանքը շատ տեղ վնասված է: Առ-

հասարակ էս տարի բամբակի բերքը քիչ է լինելու:

Լօնդօն մայիսի 23:

Անգլիայի բանկի Ֆրանսիայի բանկից ոսկի փախառնելու լուրը ղօրք չէ: Առհասարակ փողի առուստուրը լաւանում է: Ոսկին սկսեց աժանանալ: Բամբակի և բրդի ցնեքը քիչ քիչ վեր են քաշվում:

Բերլին մայիսի 23:

Բիրժայի մէջ էլի շարունակվում է ահ ու դողը պատերազմի պատճառով: Շատ ֆաբրիկաններ Պրուսիայի օրէնքների հիման վրայ պարտաւորված են ղիմուորական ծառայութիւն մտնելու և էդ պատճառով շատ մշակներ մնում են անգործ, ուրեմն և անհայ:

Պետերբուրգ յունիսի 2:

Կուրսը Լօնդօնի վրայ . 26³/₄ պէնս:
Պարիսի վրայ . 271¹/₂ տանիմ:
5⁰/₀ Լատարեյով առաջին փոխառութեան տոմսակները . 110¹/₂ ման:

5⁰/₀ Լատարեյով երկրորդ փոխառութեան . 105⁵/₈ ման:
Ոսկին 7 մ: 60 կ:

Լիւրպուլ մայիսի 28:

Բամբակի առուստուրը լաւ է: Ծախվեցաւ 10,000 հակբամբակ: Ամերիկայի բամբակին առաջվանից աւելի գին տվին:

Օդեսա մայիսի 21:

5⁰/₀ Լատարեյով առաջին փոխառութեան տոմսակին էս շաբաթ տվին 111¹/₂ կ:
Թիֆլիս 1866 յունիսի 11:

Բամբակը քիչ քիչ ծախվում է 10 մանէթից սկսած մինչև 10 մ: 50 կ: փութը:

Բուրդը 4 մ: 50 կ: մինչև 7 մ: տեսակներին նայելով:

Ապրեշուսի էս տարվայ բերքը լատվում է թէ Գարաբաղու և Նուխայ կողմերը լաւ չէ:

Ինգլիզու շաբարը . 10 մ: 50 կ:
Ռսինը —
Արժաթը 72 պրօբի 82 մ:
— 84 պրօբի 320 մ:
Ոսկին 7 մ: 50 կ: